

গণপ্রজাতন্ত্রী বাংলাদেশ সরকার
জাতীয় রাজস্ব বোর্ড
রাজস্ব ভবন
সেগুনবাগিচা, ঢাকা ।

নথি নং-১ (২৮) শুল্কঃ রপ্তানি ও বন্ড/৯৪(অংশ-১)/৪৫৮(১৩)

তারিখ : ২৮/০৬/২০০৩ খৃঃ ।

বিষয় : জাতীয় রাজস্ব বোর্ড ও LFMEAB এর মধ্যে অনুষ্ঠিত সভার কার্যবিবরণী ।

গত ১৭-০৫-২০০৩ তারিখে সকাল ১০.৩০ ঘটিকায় জাতীয় রাজস্ব বোর্ডের সম্মেলন কক্ষে Leathergoods and Footwear Manufactures & Exporters Association of Bangladesh (LFMEAB) (Proposed) এর সাথে একটি সভা অনুষ্ঠিত হয় । উক্ত সভায় সভাপতিত্ব করেন সদস্য (শুল্ক), জাতীয় রাজস্ব বোর্ড, ঢাকা । নিম্নে উল্লিখিত কর্মকর্তা ও ব্যক্তিবর্গ সভায় উপস্থিত ছিলেনঃ

১।	জনাব হেলাল উদ্দিন আহমেদ	কমিশনার, কাস্টমস্ বন্ড কমিশনারেট, ঢাকা ।
২।	জনাব ডঃ রশীদ উল আহসান চৌধুরী	কমিশনার, কাস্টম হাউজ, চট্টগ্রাম ।
৩।	জনাব মোঃ শাহাবুদ্দিন	কমিশনার, কাস্টম হাউজ, বেনাপোল ।
৪।	জনাব মোহাম্মদ আলম	কমিশনার, কাস্টম হাউজ, ঢাকা ।
৫।	জনাব সৈয়দ নাসিম মঞ্জুর	এপেক্স ফুটওয়্যার লিঃ
৬।	জনাব সাইফুল ইসলাম	পিকার্ড বাংলাদেশ লিঃ
৭।	জনাব নাসির খান	জেনি স্যুজ লিঃ

০২। উক্ত সভায় নিম্নবর্ণিত বিষয়ে আলোচনা ও সিদ্ধান্ত গৃহীত হয় :

২.১। বন্ড লাইসেন্স এর স্বয়ংক্রিয় নবায়ন পদ্ধতি :

LFMEAB নেতৃবৃন্দ তাঁদের প্রতিষ্ঠানের বন্ড লাইসেন্স পোশাক শিল্পের বন্ড লাইসেন্স নবায়নের মত সমিতির মাধ্যমে স্বয়ংক্রিয়ভাবে নবায়নের পদ্ধতি প্রবর্তনের প্রস্তাব রাখেন । এই পদ্ধতিতে প্রতিষ্ঠান কর্তৃপক্ষ নির্দিষ্ট সময়ের মধ্যে প্রয়োজনীয় সকল দলিলাদিসহ নবায়নের আবেদন সমিতির নিকট উপস্থাপন করবেন । সমিতি দলিলাদি যাচাই করে সঠিক পেলে এবং সংশ্লিষ্ট প্রতিষ্ঠানের বিরুদ্ধে কোন অভিযোগ না থাকলে প্রাপ্ত কাগজপত্র স্বয়ংক্রিয়ভাবে নবায়নের জন্য কাস্টমস্ বন্ড কমিশনারেটে প্রেরণ করবে ।

উক্ত বিষয়ে আলোচনা/পর্যালোচনার পর নিম্নরূপ সিদ্ধান্ত গৃহীত হয় :

২.১.১। ফুটওয়্যার ও চামড়াজাত পণ্য শিল্পের বন্ড লাইসেন্স স্বয়ংক্রিয় পদ্ধতিতে নবায়নের ব্যবস্থা প্রবর্তন করা হবে;

২.১.২। স্বয়ংক্রিয়ভাবে বন্ড লাইসেন্স নবায়নের উদ্দেশ্যে মেয়াদ শেষ হওয়ার অন্তর ০১ (এক) মাস পূর্বে সংশ্লিষ্ট প্রতিষ্ঠান কর্তৃপক্ষ নবায়ন ফি জমার রশীদসহ আমদানি রপ্তানী সংক্রান্ত যাবতীয় দলিলাদি এবং প্রতিষ্ঠানের মালিকানা/ অবকাঠামো/যন্ত্রপাতি সংক্রান্ত অন্য যে কোনরূপ পরিবর্তন/পরিবর্তন/সংশোধন সংশ্লিষ্ট কাগজপত্র LFMEAB এর নিকট দাখিল করবেন;

২.১.৩। LFMEAB প্রাপ্ত দলিলাদি যাচাই করে সঠিক পেলে এবং সংশ্লিষ্ট প্রতিষ্ঠানের বিরুদ্ধে শুল্ক কর্তৃপক্ষ কর্তৃক কোন অভিযোগ উত্থাপিত না হয়ে থাকলে উক্ত কাগজপত্র/দলিলাদি কাস্টমস্ বন্ড কমিশনারেটে প্রেরণ করবে;

২.১.৪। উক্তরূপে প্রাপ্ত দলিলাদি যাচাই/বাছাই করে সঠিক পাওয়া গেলে কাস্টমস্ বন্ড কমিশনারেটে ০৭ (সাত) দিনের মধ্যে বন্ড লাইসেন্স স্বয়ংক্রিয়ভাবে নবায়ন করে দিয়ে নবায়ন পরবর্তী নিরীক্ষা কার্যক্রম শুরু করবে। নিরীক্ষার কাজ দ্রুততার সাথে সম্পন্ন করার কাজে সংশ্লিষ্ট প্রতিষ্ঠান কর্তৃপক্ষ শুল্ক কর্তৃপক্ষকে সহযোগিতা করবেন।

২.১.৫। বন্ড লাইসেন্স স্বয়ংক্রিয়ভাবে নবায়নের পর তিন মাসের মধ্যে নিরীক্ষা/তদন্ত সম্পন্ন করে কাস্টমস্ বন্ড কমিশনারেট সংশ্লিষ্ট প্রতিষ্ঠানের জন্য আমদানীতব্য কাঁচামালের নতুন বার্ষিক আমদানী প্রাপ্যতা নির্ধারণ করে প্রাপ্যতা শীট জারী করবে। উক্ত বার্ষিক প্রাপ্যতা শীট জারী না হওয়া পর্যন্ত পূর্ববর্তী মেয়াদের প্রাপ্যতা বহাল রয়েছে বলে গণ্য হবে। পরবর্তী নিরীক্ষায় কোন উপকরণের আমদানী প্রাপ্যতা কম নিরূপিত হলে এবং নতুন প্রাপ্যতা শীট জারীর পূর্বে একই উপকরণ তার চেয়ে অধিক পরিমাণ আমদানী হয়ে থাকলে পরবর্তী মেয়াদের নিরূপিত প্রাপ্যতা হতে অতিরিক্ত পরিমাণ উপকরণ সমন্বয় করা যাবে। প্রাপ্যতা শীট এর কপি ফ্যাক্সযোগে/ডাকযোগে কাস্টম হাউজ, ঢাকা/চট্টগ্রাম/বেনাপোল/ মংলা এবং বাহক মারফত আইসিডি, কমলাপুর, ঢাকা-তে প্রেরণ করতে হবে।

২.২। রিক্স বন্ড ও ডিউটি বন্ড গ্রহণের পদ্ধতি অবলম্বন করে একত্রে একটি সাধারণ বন্ড গ্রহণ প্রসঙ্গে :

বর্তমানে ফুটওয়্যার ও চামড়াজাত পণ্য শিল্পের প্রতিষ্ঠান কর্তৃক বন্ডের আওতায় আমদানীকৃত পণ্য ছাড়করণের জন্য প্রতিটি চালানের ক্ষেত্রে রিক্স বন্ড ও ডিউটি বন্ড গ্রহণের ব্যবস্থা প্রচলিত রয়েছে। এই পদ্ধতিতে পণ্য ছাড়করণের ক্ষেত্রে সময় বেশী লাগে বিধায় এক্ষেত্রে সাধারণ বন্ড গ্রহণের ব্যবস্থা প্রচলনের জন্য সমিতির নেতৃবৃন্দ প্রস্তাব রাখেন।

উক্ত বিষয়ে আলোচনা/পর্যালোচনার পর নিম্নরূপ সিদ্ধান্ত গৃহীত হয় :

সংশ্লিষ্ট প্রতিষ্ঠান কর্তৃপক্ষ স্বয়ংক্রিয় নবায়নের আবেদনের সঙ্গে যথাযথ মূল্যমানের স্ট্যাম্প ০৩ (তিন) কোটি টাকার একটি সাধারণ বন্ড (রিক্স বন্ডের আইনানুগ আওতা কাভার করে অনুমোদিত ফরমেটে) দাখিল করবেন। উক্ত সাধারণ বন্ডের প্রয়োজনীয় সংখ্যক ফটোকপিও তাঁরা উপস্থাপন করবেন। কাস্টমস্ বন্ড কমিশনারেট উক্ত সাধারণ বন্ড গ্রহণ করে ফটোকপি সমূহ সত্যায়ন করে সংশ্লিষ্ট শুল্ক ভবন/স্টেশনে প্রেরণ করবে। সাধারণ বন্ড-এর সত্যায়িত ফটোকপি'র ভিত্তিতেই পণ্য খালাস হবে। এই সাধারণ বন্ডের মেয়াদ হবে ০১ (এক) বছর। এই ব্যবস্থা চালু হওয়ার তারিখ থেকে আলোচ্য খাতের প্রতিষ্ঠান কর্তৃক বন্ড সুবিধায় আমদানীকৃত পণ্য চালান খালাসের বেলায় চালানভিত্তিক পৃথক পৃথক রিক্স বন্ড/ডিউটি বন্ড সম্পাদন করার প্রয়োজন হবে না।

২.৩। আমদানীকৃত পণ্য ছাড়করণের সিদ্ধান্ত সুপারিনটেনডেন্ট/প্রিন্সিপ্যাল এপ্রাইজার পর্যায়ে সম্পন্নকরণ :

বর্তমানে আলোচ্য শিল্পের বন্ডের আওতায় পণ্য ছাড়করণের সিদ্ধান্ত ন্যূনতম সহকারী কমিশনার পর্যায়ে সম্পন্ন হয়। এতে সময় বেশী লাগে। উক্তরূপ সিদ্ধান্ত সুপারিনটেনডেন্ট/প্রিন্সিপ্যাল এপ্রাইজার পর্যায়ে সম্পন্ন করার ব্যবস্থা প্রবর্তনের জন্য সমিতির নেতৃবৃন্দ অনুরোধ জানান। উক্ত বিষয়ে আলোচনা/পর্যালোচনায় প্রতীয়মান হয় যে, প্রতিটি চালানের জন্য রিক্স বন্ড/ডিউটি বন্ড গ্রহণের ব্যবস্থা প্রচলিত থাকায় উক্তরূপ চালান ছাড় করার সিদ্ধান্ত সহকারী কমিশনার পর্যায়ে গৃহীত হয়। বর্তমানে সাধারণ বন্ড গ্রহণের ব্যবস্থা প্রবর্তন করায় এখন সুপারিনটেনডেন্ট/প্রিন্সিপ্যাল এপ্রাইজার পর্যায়েই এই সিদ্ধান্ত গৃহীত হবে। তবে কোনরূপ অনিয়ম পরিলক্ষিত হলে তা উল্লেখপূর্বক নথি/বিল অব এন্ট্রি উর্ধ্বতন কর্তৃপক্ষের নিকট উপস্থাপন করতে হবে।

২.৪। পণ্য ছাড়করণে সত্যায়িত বন্ড লাইসেন্স উপস্থাপন প্রসঙ্গে :

সমিতির নেতৃবৃন্দ সভায় জানান যে, কখনো কখনো একই সময়ে একাধিক শুল্ক ভবন/স্টেশনে আমদানীকৃত তাদের প্রতিষ্ঠানের খালাসের প্রয়োজনীয়তা দেখা দেয়। এ কারণে বন্ড সুবিধায় পণ্য খালাসের লক্ষ্যে প্রত্যেক স্টেশনে মূল বন্ড লাইসেন্স উপস্থাপন করা দুঃসাধ্য হয়ে পড়ে। এ পরিস্থিতিতে তাঁরা শুল্ক ভবন/স্টেশনে বন্ড লাইসেন্সের সত্যায়িত কপি উপস্থাপনের ব্যবস্থা প্রবর্তনের অনুরোধ জানান।

আলোচনা শেষে এ বিষয়ে নিম্নরূপ সিদ্ধান্ত গ্রহণ করা হয় :

- ২.৪.১। বন্ড লাইসেন্স প্রদান/নবায়ন আমদানি-প্রাপ্যতা নির্ধারণ অথবা বন্ড লাইসেন্স/আমদানি-প্রাপ্যতায় কোনরূপ সংশোধন হওয়ার পরপরই কাস্টমস্ বন্ড কমিশনারেট, সহকারী কমিশনার বা তদূর্ধ পর্যায়ের কর্মকর্তা কর্তৃক সত্যায়িত বন্ড লাইসেন্স-এর ফটোকপি ও প্রাপ্যতা শীটের কপি সংশ্লিষ্ট সকল শুল্ক ভবন/স্টেশন-এ প্রেরণ করবে। তাছাড়া, বন্ড লাইসেন্স ও প্রাপ্যতা শীট এর সত্যায়িত ফটোকপির ৩ (তিন) সেট সংশ্লিষ্ট প্রতিষ্ঠান কর্তৃপক্ষকে প্রদান করা হবে যাতে একইসঙ্গে একাধিক আমদানি পয়েন্ট দিয়ে আমদানিকৃত পণ্য-চালান খালাসে সমস্যা না হয়।
- ২.৪.২। বন্ড লাইসেন্স-এর সত্যায়িত ফটোকপি শুল্ক ভবন/স্টেশনে পৌঁছানোর পর প্রথমবারে পণ্যচালান খালাসের পূর্বেই বা খালাসের সময়ে মূল লাইসেন্স সংশ্লিষ্ট শুল্ক ভবন/স্টেশনে প্রদর্শন করতে হবে এবং সংশ্লিষ্ট শুল্ক ভবন/স্টেশনে একজন সহকারী কমিশনার বা তদোর্ধ পর্যায়ের কর্মকর্তা বন্ড লাইসেন্সের মূল কপির সাথে (বন্ড কমিশনারেটের কর্মকর্তা কর্তৃক) সত্যায়িত ফটোকপি যাচাই করে দেখবেন। উক্তরূপ যাচাই-এ বন্ড লাইসেন্স-এর সত্যায়িত ফটোকপি যথাযথ রয়েছে মর্মে বিবেচিত হলে যাচাইকৃত সত্যায়িত ফটোকপি শুল্ক ভবন/স্টেশনে যাচাইকারী কর্মকর্তা প্রত্যয়ন করবেন।
- ২.৪.৩। বন্ড লাইসেন্স-এর সত্যায়িত ও প্রত্যায়িত ফটোকপি সাধারণভাবে বন্ড লাইসেন্স-এর পরবর্তী নবায়ন মেয়াদ পর্যন্ত কার্যকর থাকবে এবং এক মেয়াদ অন্তে পুনরায় একই পদ্ধতিতে বন্ড লাইসেন্স-এর মূল কপি'র ফটোকপি সত্যায়ন ও প্রত্যায়ন করতে হবে। এ সকল ব্যবস্থা গৃহীত হওয়ার পর (বিশেষ প্রয়োজন ব্যতীত) শুল্ক ভবন/স্টেশনে বন্ড লাইসেন্স-এর মূলকপি প্রদর্শন/দাখিল করা বাধ্যতামূলক হবে না বরং বন্ড লাইসেন্সের সত্যায়িত/প্রত্যায়িত ফটোকপির ভিত্তিতে শুল্ক ভবন/শুল্ক স্টেশন থেকে পণ্য চালান খালাসের ব্যবস্থা গ্রহণ করতে হবে।
- ২.৪.৪। সত্যায়িত বন্ড লাইসেন্স ও প্রাপ্যতা শীটের বিপরীতে ছাড়কৃত পণ্যের তথ্য সংশ্লিষ্ট শুল্ক ভবন/স্টেশন অনতিবিলম্বে কাস্টমস্ বন্ড কমিশনারেটে প্রেরণ করবে।
- ২.৪.৫। বিভিন্ন শুল্ক ভবন/শুল্ক স্টেশনে এরূপ প্রাপ্যতা শীট পাওয়ার পর তাতে বর্ণিত কাঁচামাল/উপকরণওয়ারী প্রাপ্যতার বিবরণ ও পরিমাণ সংশ্লিষ্ট প্রতিষ্ঠানের বন্ড রেজিস্টারে লিপিবদ্ধ করতে হবে এবং তার আলোকে বন্ড সুবিধায় কাঁচামাল/উপকরণ আমদানির বিষয় পর্যবেক্ষণ করা হবে। কাস্টম হাউজ/কাস্টম স্টেশন থেকে এরূপ পণ্য চালান খালাসের পর পর বন্ড কমিশনারেটকে ফ্যাক্স/পত্র মারফত অবহিত করা হবে। কাঁচামাল/উপকরণ খালাসের প্রতিষ্ঠান ওয়ারী মাসিক বিবরণী (সম্ভাব্য ক্ষেত্রে Computer Generated Report) কাস্টম হাউজ/কাস্টম স্টেশন কর্তৃপক্ষ বন্ড কমিশনারেটে প্রেরণ করবে।
- ২.৪.৬। বন্ড কমিশনারেট দপ্তরে সংশ্লিষ্ট বন্ড অফিসার প্রতিষ্ঠান ওয়ারী কাঁচামাল/উপকরণ আমদানীর তথ্য নিয়মিত পর্যালোচনা করবেন এবং কোন কাঁচামাল/উপকরণ আমদানীর পরিমাণ প্রাপ্যতাসীমার অতিরিক্ত হলে বা কোন কাঁচামাল বন্ড লাইসেন্সে অন্তর্ভুক্ত না থাকলে সে বিষয়ে অনতিবিলম্বে তাঁর উর্ধ্বতন কর্তৃপক্ষকে অবহিত করবেন। এরূপ ত্রুটি-বিচ্যুতি উদঘাটিত হলে আইনানুগ ব্যবস্থা গ্রহণ করা সহ উদঘাটিত তথ্য সঙ্গে সঙ্গে বন্ড কমিশনারেট দপ্তর কর্তৃক বিভিন্ন শুল্ক ভবন/শুল্ক স্টেশন-কে জানাতে হবে।

২.৫। আমদানিকৃত পণ্য চালান ০৩ (তিন) দিনের মধ্যে ছাড় প্রদানের নির্দেশনা প্রদান :

সমিতির নেতৃবৃন্দ জানান যে, কোন কোন ক্ষেত্রে তাঁদের আমদানিকৃত পণ্য ছাড়করণে দীর্ঘ সময় লেগে যায়। এতে করে তাদের রপ্তানি আদেশ যথাসময়ে সম্পাদন করা দুরূহ হয়ে পড়ে। এ কারণে তারা ০৩ (তিন) দিনের মধ্যে পণ্য খালাসের ব্যবস্থা প্রবর্তনের জন্য অনুরোধ জানান।

উক্ত বিষয়ে আলোচনার পর সিদ্ধান্ত হয় যে, শুল্ক ভবন/ শুল্ক স্টেশন কর্তৃপক্ষ এ ব্যাপারে প্রয়োজনীয় ব্যবস্থা গ্রহণ করতে পারে।

০৩। সভায় আর কোন আলোচ্য বিষয় না থাকায় সভাপতি মহোদয় উপস্থিত সকলকে ধন্যবাদ জনিয়ে সভার সমাপ্তি ঘোষণা করেন।

স্বাক্ষরিত/-
(মনযুর মান্নান)
সদস্য (শুল্ক)
জাতীয় রাজস্ব বোর্ড, ঢাকা।